

唐
音
統
籤

唐巖一僧詩二十八

齊己集六

唐音統巖卷

八百九十六

五言律詩五

匡山寓居栖公補

外物盡已外閑游亦自由
好山逢過夏無事住經秋
樹影殘陽寺茶香古石樓
何時定休講歸漱虎溪流

勉詩僧

莫把毛生刺低徊謁李膺
須防知佛者解災愛名僧
道性宜如水詩情合似冰
還同蓮社客聯唱遠香燈

勉道林謙光鴻蘊二姪

舊林諸姪在還住本師房共掃焚修地同聞水石
香莫將閑世界擬敵好時光須看南山下無名塚
滿岡

示諸姪

莫問年將朽加餐已不多形容渾瘦削行止強牽
拖死也何憂惱生而有詠歌侯門終謝去却掃舊
松蘿

老將

逐虜興平戎曾居第一功明時不用武白首向秋

風馬病霜飛草弓閑鴈過空兒孫已成立膽氣亦
英雄

劍客

拔劍遶殘樽歌終便出門西風滿天雪何處報人
恩勇死尋常事輕讎不足論翻嫌易水上細碎動
離魂

湖西逸人

老隱洞庭西渙樵共一溪琴前孤鶴影石上遠僧
題橘袖園林熟蒹葭徑路逢君能許隣並分藥斲
春畦

湘江漁父

湘潭春水滿岬遠草青青有客釣烟月無人論醉
醒門前蛟蜃氣蓑上蕙蘭馨曾受蒙莊子逍遙一
卷經

賣松者

未得凌雲價何慙所負真自知桃李世有愛歲寒
人瑟瑟初離澗青青未識塵寧同買花者貴逐片
時春

寄華山司空圖

天下艱難際全家入華山幾勞丹詔問空見使臣

還瀑布寒吹夢蓮峯翠濕關兵戈阻相訪身老瘴
雲間

寄鄭谷郎中

詩心何以傳所證自登禪
覓句如探虎逢知似得
仙神清太古在字好雅風全
曾冰星郎許終慙是
斐然

寄鄭谷郎中

高名喧省闥雅頌出吾唐
疊嶂一作嶠供秋望一作吟

無雲到夕陽自封修藥院
別掃著僧床幾夢中朝

事依依鷓鴣行郎闥雅談云齊已往袁州謁鄭谷
賦詩有自封修藥院別下著僧床

云云谷覽之云請改一字方得相見經數日再謁
稱已改得詩云別掃耆僧床谷嘉賞結為詩交此
或錄早梅詩又添畫一足也

永夜感懷寄鄭谷郎中

展轉復展轉所思安可論夜涼難就枕月好重開
門霜殺百草盡蛩歸四壁根生來苦章句早遇至
公言

戊辰歲湘中寄鄭谷郎中

白髮久慵簪常聞病亦吟瘦應成鶴骨閑想似禪
心上國楊花亂滄洲荻笋深不堪思翠蓋西望獨
沾襟

寄孫闢呈鄭谷郎中

衡岳去都忘清吟戀省郎淹留才年月酬唱頗盈
箱雪長松裡格茶添語語香因論樂安子年少老
篇章

寄監利司空學士

詩家為政別清苦日聞新亂後無荒地歸來盡遠
人寬容民賦稅憔悴吏精神何必河陽縣空傳机
李春

寄南徐劉員外二首

竟陵兵革際歸後舊園林早歲為官苦常聞說此

心海遶山夜上城上寺秋尋應訝嵩峯約蹉跎在
到今

畫公評衆製姚監選諸文風雅誰收我編聯獨有
君餘生終此道萬事盡浮雲爭得重攜手撰幽楚
水濱

寄吳都沈員外彬

歸休興若何朱紱盡還他自有園林潤誰爭山水
多村烟晴莽蒼僧磬晚嵯峨野醉題招隱相思可
寄麼

寄江西幕中孫鮐員外

簪履為官興芙蓉結社緣應思陶令醉時訪遠公
禪茶影中殘月松聲裏落泉此門曾共說知未遂
終焉

寄何崇丘員外

門底桃源水涵空復映山高吟烟雨霽殘日郡樓
閒變俗真無事分題是不閑尋思章岫見全未有
年顏

寄錢塘羅給事

憤憤嘔詭書無人誦子虛傷心天祐末搔首懿宗
初海樹青叢短湖山翠點疎秋濤看足否羅剎石

邊居

寄王振拾遺 戊辰歲

折檻意何如 平安信不虛 近來焚諫草 深去覓山
居 餘分明知在處 難寄亂

離書

寄朱拾遺

一聞歸闕下 幾番熟金甌 滄海期仍晚 清竇路漸
高 研冰濡諫筆 賦雪擁朝袍 豈念空林下 冥心坐
石勞

夏滿日偶作寄孫友使

其年閏五月

一百三十日煎熬幾不勝憶歸滄海寺冷倚翠崖
接蕭扇猶操執新秋更鬱蒸何當見涼月擁袖訪
詩朋

寄答武陵幕中何吏使二首

十萬雄軍幕三千上客才何當談笑外遠慰寂寥
來騷雅鏘金擲風流醉玉顏爭如江雪寺老病向
寒灰

南州無百戰北地有長征關殺何從事傷哉蘓子
卿江樓聯雪句野寺看春耕門外滄浪水風波雜
雨聲

寄歸州馬判官

麗帶女顏名民康境赤寧晏梳秋髻白閑坐暮山
青贈客椒初熟尋僧酒乍醒應懷舊居處歌管隔
牆聽

寄唐稟正字

踈野還如舊何曾稱在城水遙無伴立天際有山
橫落日雲霞赤高牕筆硯明鮑昭多所得時憶寄
湯生

寄當陽張明府

玉泉神運寺寒磬徹琴堂有境靈如此為官興亦

長吏愁清白甚民樂賦輸忘聞說巴山縣今來尚憶張

寄謝高先輩見寄二首

寄鑒堪傷骨風騷久痛心永言無絕唱忽此惠希音楊柳江湖晚芙蓉島嶼深何因會仙手臨水一披襟

詩在混茫前難搜到極玄有時還積思度歲未終篇片月雙松際高樓濶水邊前賢多此得風味若為傳

寄洛下王彛訓先輩二首

賈島存正始王維留格言千篇千古在一詠一驚
魂離別無他寄相思共此門陽春堪永恨郢路轉
塵昏

北極新英主高科舊少年風流傳貴達談笑取榮
遷洛水秋空底嵩峰曉翠巔尋常誰並馬橋上戲
成篇

寄李洞秀才

到處聽時論知君屈最深秋風幾笑抱玉但傷
心野水翻紅藕滄江老白禽相思未相識閒在蜀
中吟

寄陸龜蒙補

萬卷功何用徒稱處士林
閑歌太古石醉聽洞庭
秋道在誰開口詩成自點頭
中間欲相訪尋便阻
戈矛

寄鏡湖方干處士

賀監攜山川空來近百年
聞君興琴鶴終日在漁
船島露深秋石湖澄半夜
天雲門幾回去題徧好
林泉

寄江居耿處士

野癖雖相似生涯即不同
紅霞禪石上明月釣船

中醉倒蘆花白吟緣蓼岸紅相思何以寄吾道本
空空

夏日栖霞寺書懷張逸人

人中林下現名自有閑
忙建業紅塵熟栖霞白石
涼倚身檀几穩洒面瀑
流香不似高齋裏花連竹
影長

寄顧處士

半年離別夢來往即湖邊
兩幅關山雪尋常在眼
前項客歲古翠張深卷寒
烟藍淀圖花鳥時人不
惜錢

嶽中寄殷處士補

出岳與入岳前題繼後題遍尋僧壁上多在雁峰
西近說游江寺將誰話石梯相思立高巘山下草
萋萋

寄唐洙處士

行僧去湘水歸鴈度荆門彼此亡家國東西役夢
魂多慵如長傲久住不生根曾問興亡事丁寧寄
勿言

丙寅歲寄潘歸仁

九土盡荒墟干戈殺害餘更須憂去國未可守貧

居康泰終來在編聯莫破除他年遇知己無恥報
禮諭

唐籤一僧詩二十九

齊己集七

唐音統籤卷

八百九十七

五言律詩六

夏日雨中寄幕中知己

北風吹夏雨和竹亞南軒
豆枕故涼冷蓮峰入夢
魂寃多斜迸濕庭徧暴流痕
清興知無限晴來示
一言

東林作寄金陵知己

十八賢真在時來拂薜蘿
已知前事遠更結後人
難泉滴勝清磬松香掩白檀
憑君聽朝貴誰欲厭
簪冠

寄山中諸友

補

自歸城裏寺長憶宿山門終夜冥心客諸峰叫月
猿嵐光生眼力泉滴與吟魂只待游方遍還來掃
樹根

思游峩眉寄林下諸友

剛有峨嵋念秋來錫欲飛會拋湘寺去便逐蜀帆
歸難世堪言善閑人合見機殷勤別諸友莫厭楚
江薇

寄舊居隣友

補

別後知何趣搜竒少客同幾層山影下萬樹雪聲

中晚鼎烹茶綠晨厨爨粟紅何時携卷出世代有
名公

中春愴懷寄二三知己

眼暗心還白逢春強凭欄因閒積夜雨却憶舊山
寒竹撼烟荒滑花燒露朵乾故人相會處應話此
衰殘

寄友詩

天地有萬物盡應輸苦心他人雖欲解此道奈何
溪迢朴遺時態闕門度歲陰相思去秋夕共對冷
燈吟

春居寄友生

沙迥荒蕪甚君應共此情江村雷雨發竹屋夢魂驚
社過多來驚花繁漸老鶯相思意何切新作未
曾評

夜坐聞雪寄所知

初宵飛霰急竹樹洒乾輕不是知音者難教愛此
聲漸淩孤燭白偏激苦心清堪想同文友忘眠坐
到明

寄武陵道友

阮肇迷仙處揮門接紫霞不知尋鶴路幾里入桃

花晚樹陰搖
蘚春潭影弄
砂何常見
招我乞興片
生涯

寄清溪道友

山門搖落空霜霰
滿杉松
明月行禪處
青苔遶石
重泉聲喧萬壑
鍾韻遍千峰
終去焚香老
同師大
士蹤

寄勉二三子

不見二三子
悠然吳楚間
盡應生白髮
幾個在青
山
莫放閑君聞
國風否
千載咏

關關

秋夕寄諸侄

每到秋殘夜燈前憶故鄉
園林紅橘柚窓戶碧蘋
湘離別身垂老艱難路去
長弟兄應健在兵火裏
耕桑

荆門寄懷章供奉黃呈幕中知己

紫衣居貴上青衿老關中
事物門相似朝天路不
同神凝無惡夢詩淡老真
風聞道知音在官高信
莫通

寄貫休

子美曾吟處吾師復去吟
是何多勝地銷得二公

心錦水流春濶峨眉疊雪深時逢蜀僧說或道近
遊黔

寄栖白上人補

萬國爭名地吾師獨此閑題詩招上相看雪下南
山內殿承恩久中條進表還常因秋貢客少得掩
禪關

寄懷江西栖公

龍沙為別日廬阜得書年不見來香社相思遠白
蓮江僧歸海寺楚路接吳烟老病何堪說扶羸寄
此篇

唐詩集卷之八
寄懷栖蟾師弟

補

萬里八九月一身西北風
自從相示後長記在吟
中見說南游遠堪懷我
性同江邊忽得信迴到
岳門東

別東林後迴寄修睦

昨夜從香社
薛君出薛蘿
晚來巾舄上
已覺俗塵
多
遠路繁芳草
遙空共白波
南朝在天末
此去重
經過

夏日梅雨中寄睦公

梅月來林寺
冥冥各閉門
已應殘履跡
全沒亂雲

根琢句心無味看經眼亦昏何時見清霽招我憑
巖軒

寄三覺山從益上人

山下人來說多時不下山是應終未是閑得且須
閑海面雲歸竇猿遶月上關尋思亂峯頂空送衲
僧還

荆門夏日寄洞山節公

湖光搖翠岑靈洞疊雲深五月經行處千秋檣栢
陰山形臨北渚僧格繼東林莫惜相招信余心是
此心

寄許州清古

北來儒士說許下有吟僧
白日身長倚清秋塔上
層言難衣景得理要入無徵
敢望多相示屏微老
不勝

荆門病中寄懷貫微上人

我衰君亦老相憶更何言
除泥安禪力難醫必死
根梅寒爭雪彩日冷讓冰痕
早晚東歸去同尋入

石門

匡山遠大師嘗與諸賢
游石門洞玩錦綉谷

擬稽康絕交寄湘中貫微

何處同稽懶吾徒術異諸本無
文字學何有往來

書嶽寺道遙夢候門勉強相知在玄契莫訝八
行疎

寄雲蓋山先禪師

補

曾尋湘水東古翠積秋濃長老禪栖處半天雲蓋
峰閑床饒得石雜樹少於松近有誰堪話劉陽妙
指衆

新秋霽後晚眺懷先公

雨霽湘楚晚水涼天亦澄山中應解夏渡口有行
僧鳥列滄州隊雲排碧落層孤峰磬聲絕一點石
龕燈

寄文秀大師

皎然靈一時還有屈於詩世豈無英主天何惜大
師道終歸正始心莫問多岐覽卷堪驚立真風喜
未衰

寄懷江西徵岷二律師

亂後江邊寺堪懷二律師幾番新弟子一樣舊威
儀院影連春竹窓聲接兩池共緣山水癖久別共
題詩

懷道林寺因寄仁用二上人

名山知不遠長憶寺門松昨晚登樓見前年過夏

峰雨餘雲脚樹風外日西鐘莫更來東岼紅塵沒
馬蹤

秋興寄徹公

風聲吹竹健涼氣著身輕誰有閑心去江邊看水
行村遙紅樹遠野濶白烟平試裂芭蕉片詩題問
竺卿

夏日江寺寄無上人

講終齋磬罷何處稱真心古寺高杉下炎天獨院
深燕和江鳥語牆奪暮花陰大府多才子閑過在
竹林

寄懷江西僧達禪翁

長憶舊山日與君同聚沙未能精貝葉便學詠楊
花苦甚傷心骨清還切齒牙何妨繼餘習前世是
詩家

寄普明大師可準

蓮嶽三徵者論詩舊與君相留曾幾處酬唱有新
文翠竇客閑憩嵐峰許共分當年若同訪合得伴
吟雲

寄雙泉大師師兄

清泉流眼底白道倚岩稜後夜禪初入前溪樹折

永南涼來的的北魏去騰騰敢把吾師意密傳門
外僧

寄敬亭清越

敬亭山色古廟興寺松連住此修行過春風四十
年鼎嘗天柱茗詩硤刻溪牋冥目應思著終南北
關前

寄楚萍上人

北面香爐秀南邊瀑布寒自來還獨去夏滿又秋
殘日影杉松亂雲容洞壑寬何峰是隣側片石許
相安

寄仰山光味長老

大仰禪栖處杉松到頂陰
下來雖有路歸去要無心
鳥道峰形直龍湫石影深
經行誰得見半夜老猿吟

寄自牧上人

五老回無計三峯去不成
何言謝雲鳥此地識公卿
夢魂將僧說心嫌觸類生
南朝古山寺曾憶共尋行

寄東林言之禪子補

閑思相送後幽院閉苔錢
使我吟還廢聞君病未

痊聽秋唯困坐怕客但伴眠可惜東窓月無寥過
一年

寄峴山願公三首

形影更誰親應懷漆道人片言酬鑒齒半偈伏姚
秦榛莽池經燒蒿萊寺過春心期重西去一共弔
遺塵

相思恨相遠至理那時何道笑忘言甚詩嫌皆俗
多青苔閑閣閑白日斷人過獨上西樓望荆門千
里坡

彼此無消息所思江漢遙轉聞多患難甚說遠相

招老至何悲歎生知便寂寥終期踏松影攜手虎溪橋

寄楊岐西峰僧

補

西峰殘照東瀑布洒冥鴻閑憶高窓外秋晴萬里空
藤陰藏石磴衣毳落杉風日有誰來覓層上鳥道中

寄明月山僧

山稱明月好月出遍山明要上諸峯去無妨半夜行
白猿真雪色幽鳥古琴聲吾子居來久應忘我在城

懷終南僧補

擾擾二京塵何門是了因萬重千疊嶂一去不來
人鳥道春殘雪難龕畫定身寥々石窓外天籟動
衣巾

懷天台華頂僧

華頂危臨海丹霞裏石橋曾從國清寺上看月明
潮好鳥親香火狂泉噴沈寥欲歸師智者頭白路
迢迢

舟中江上望玉梁山懷李尊師

殘照玉梁巔幾々遠棹前古來傳勝異人去學神

仙白鹿老碧壑黃猿啼紫烟誰心共無事局上度
流年

寄西山鄭谷神

西望鄭先生焚修在杳冥幾番松骨朽未換髡根
青石闕涼調瑟秋壇夜拜星俗人應撫掌閑處誦
黃庭

懷軒轅先生

不得先生信空懷汗漫秋月華離鶴背日影上鰲
頭欲學孤雲去其如重骨留槎程在何處人世屢
荒丘

懷華頂道人

華頂星邊出真冝上士家無人觸牀榻滿屋貯烟
霞坐卧臨天井晴明見海涯禪餘石橋去屐齒印
松花

唐籤一僧詩之三十

齊已

唐音統籤卷

八百九十八

五言律詩七

送趙長史歸閬川

荆門與閬越關成隔三千風雪揚帆去臺隍指海
邊客情消旅火王化似堯年莫失春迴約江城穀
雨前

送唐稟正字歸萍川

霜鬚芝閣吏久掩白雲扉來謁元戎後還騎病馬
歸烟村蔬飲淡江驛雪泥肥知到中林日春風長
澗微

送人赴官

年少作初官還如行路難
兵荒經邑里風俗久凋殘
勲硯花光淡漂書柳絮乾
聊應充侍膳薄俸維朝食

送遷客

天涯即愛州謫去莫多愁
若似承恩好何如倭主
休瘴昏銅柱黑草去火山
秋應想堯陰下當時解
牙頭

同先歲送人及第歸

西笑道何光新朝橋桂堂
春官如白傳內試似文

皇變化龍三十升騰鳳一行還家幾多興滿袖月中香

與張光聲話別

為者各自話離心及第還金蜀游方歸二
林巴江漲楚野入吳溪他日傳消息東西不
易尋

送孫鳳秀才赴舉

九重方側席四海仰文明好把孤吟去便隨公道
行梁園浮雪氣汴水漲春聲此日登仙衆君應最
後生

送劉琬秀才赴舉

百發百中

偏文物兵銷國關河雪霽天都人看春榜韓字在

誰前

送歐陽秀才赴舉

莫疑空手去無援取高科直是文章好爭如德行
多烟霄心一寸霜雪路千坡稱意東歸後交親那
喜何

送人赴舉

分有爭忘得時來須出山白雲終許在清世莫空

還驛樹秋聲健行衣雨點斑明年從月裏滿握度
春闈

送劉秀才往東洛

羨子去東周行行非旅游烟霄有兄弟事業盡曾
劉洛水清奔夏嵩雲白入秋來年遂鵬化一舉上
瀛洲

送徐秀才游吳國

西江東注急孤棹若流星風浪相隨白雲山瞥過
青他時誰共說此路我曾經好向吳朝看衣冠盡
漢庭

送徐秀才之吳

吳都霜道昌才子去觀光
望闕雲天近朝宗水路長
海霞收片雨建業泊殘陽
欲問誰王信仙都即帝鄉

送劉秀才南游

南去謁諸侯名山亦得游
便應尋瀑布乘興上峴嶺
高鳥隨雲起寒星向地流
相思應北望天晚石橋頭

送陳霸歸閩

涼風動行興含笑語臨途
已得身名了全忘客道

孤鄉城過百越帆影遠重湖家在飛鴻外音書可
寄燕

送朱秀才歸閩

補

荆門來幾日欲往又憂空遠客歸南越單衣背北
風近香微有雪到海漸無鴻努力成詩業無諸謁
至公

送吳守明先輩游蜀

憑君游蜀去細為話幽奇喪亂嘉陵野塵埃賈島
詩未應過錦府且台上峨嵋既逐高科後東西任
所之

送周秀遊峽

又向夔城去知難動旅魂
自非亡國客何處斷腸
猿澗分高仞翟塘露淺痕
明年期此約平穩到
荆門

送盧說亂後投知己

兵寇殘江墅生涯盡蕩除
事堪煎桂玉時莫倚詩
書暮狄啼空半春山列兩餘
舟中有新作迴寄示
情疎

與楊秀才話別

度信哀何極仲宣悲苦多
回思學文賦不勝弄干

戈自古有如此于今終若何到頭重策囊歸去舊
烟蘿

送人下第東歸再謁舊主人

一戰偶不捷東歸計未空還攜故書劍去謁舊英雄
雄楚雪連吳樹西江正北風男兒藝若是會合值
明公

送人潤州尋兄弟

君話南徐去過江過處康弟兄新得信鴻雁久離
行木落空林浪秋殘漸雪霜開游登北固東望海
蒼

送人游雍京

君來乞詩別聊與愴前程九野未無事少年何遠
行商雲盤翠陰秦甸下烟平應見周南化如今在
雍京

送人歸吳

比說歸耕釣迢迢向海涯春寒游子路村晚主人
家
山綠過茶重尋舊鄰里菱藕正
開花

送人游南

南國多山水君游興可知船中江上景晚泊早行

時子美遺魂地藏真攜墨池經過幾銷日荒草裏
尋碑

送人南游

且聽吟贈遠君此去蒙州瘴國頻聞說邊鴻
不遊蠻花藏孔雀野石隱一作屏井到彼誰相慰知
有郡侯

荆門送人自峨嵋遊南岳

峨嵋來已遠衡岳去猶餘南浦懸帆影西風亂荻
花天涯遙夢澤山梁近長沙有興多新作携將大
府誇

送人遊衡岳

荆楚臘將殘
江湖莽蒼間
孤舟載高興
千里向名山
雪浪來無定
風帆去自閒
石橋僧問我
應寄岳茶還

送人游武陵湘中

為子歌行樂
西南入武陵
風烟無戰士
賓榻有吟僧
山遠軍城疊
江臨寺閣層
遍尋幽勝了
湘水泛清澄

送遊人遊湘中

懷才難自住
此去亦如僧
何處西風夜
孤吟旅舍

燈路沿湘樹壘山入楚雲層若有東來北歸鴻亦
可憑

送人遊湘湖

君游南國去旅夢若為寧一路隨鴻雁千峰繞洞
庭林明楓盡落野黑蟻初經有興尋僧否湘西寺
最靈

送人遊塞

槐柳野橋邊行塵暗馬前秋風來漠地客路入胡
天雁聚河流濁羊群碛草膾那堪隴頭宿鄉夢逐
潺湲

送節大德歸闕

西京曾入內東洛又朝天聖上方虛席僧中正之
賢晨光金殿裏紫氣玉宸前知祝唐光化新恩異
往年

荆門送畫公歸彭澤舊居

彭澤舊居在匡廬翠疊前回思從楚寺便附吳
船岸遠昏燈樹江浮曉霽天應過虎溪社佇立想
諸賢

送休上人歸永嘉舊居

東越常懸思山門在永嘉秋光浮楚水帆影背長

沙城黑天台雨村明海嶠霞時尋謝公跡春州有
瑤花

送益公歸舊居

舊隱終年夢春殘結束歸溪山無伴過風雨有花
飛片石留題字孤潭照浣衣隣僧喜相接掃還興
閑扉

送中觀進公歸巴陵

一論破雙空持行大國中不知從此去何處挫邪
宗畫雨懸帆黑殘陽泊島紅應游到滬岸相憶遠

茶叢

暮冬送曠上人歸華容

故園雖不遠那免愴行思蒼蒼平湖路霏微過雪
時全無山阻隔或有客相隨得見交親後春風動
柳絲

送僧歸南岳

濁世佳終難孤峰念永安逆風眉磔日衝雪錫珊
珊石室閨霞嫩松枝拂蘚乾猿猴應認得連臂下
勾欄

送休師歸長沙寧觀

吾子此歸寧風烟是舊經無窮芳艸色何處故山

青偶泊鳴鐘島難眠好月汀殷勤問安外湘岸採
詩靈

送惠空上人歸

塵中名利熟鳥外水雲閑吾子多高趣秋風獨自
還空囊隨惠棹數宿泊湖山應有吟僧在鄰居樹
影間

送彬座主赴龍安請講

兩論久研精龍安受請行春城雨雪霽古寺殿堂
明白髮老僧聽金毛獅子聲同流有誰共別著國
風清

送乾康禪師入山過夏

由來喧滑境難駐寂寥蹤逼夏
搖孤錫離城入亂峰雲門應近寺
石路或穿松知在栖禪外題詩寄
北宗

送東林寺睦公往吳國

八月江行好風帆日夜飄烟霞經北固
禾黍過南朝社客無宗炳詩家有鮑
昭莫回臂相請不遑攜
山椒

送靈華上人遊五臺

此去清涼頂期瞻大聖容便應通洛水
即上嵩

峰殘照催行影
幽林惜駐蹕
想登金閣望
東北極
兵鋒

送玉泉道者迴山寺

却意西峰頂
經行絕愛憎
別來心念念
歸去雪層層
石塢尋春筍
苔龕續夜燈
應悲應土裏
追逐利名僧

送僧遊玉泉寺

西峰大雪開
萬疊向空堆
客置猶尋去
僧高不肯來
潭澄猿觀月
竇冷鹿眠苔
公子將才子
聯題興未迴

送遊山者

我亦游山者常經舊所經
雪消天外碧春晚海中
青可見亂離世况臨衰
病形憐君此行興獨入
白雲屏

荆門送興禪師

洒落南宗子游方跡似雲
青山尋處赤葉落紛
紛虎共松岩宿猿和石溜
聞何峰一回首憶我在
入群

送幽禪師補

霜繁野葉飛長老卷行衣
浮世不知處白雲相待

歸磬和天籟，響禪動岳神。
威莫便言長往，勞生待
發機。

送秘上人

誰喜老閒身，春山起送君。
欲憑蓮社信，轉入洞房
雲。道路長無限，干戈漸
不聞。秋來向何處，相憶
雁成群。

送僧

老憶遊方日，天涯獨搖
凌。晨從北固衝雪向南
朝，髻髮泉邊剃。香燈樹
下燒，雙峰諸道友。夏
滿有書招。

嚴陵釣臺

夫子垂竿處空江照古臺無人更知此白浪自成
堆鵝靜弄僧去魚狂入海迴登臨秋值晚樹石盡
多苔

讀峴山碑

三載羊公政千年峴首碑何人更墮淚此道亦殊
時兵火燒文歆江雲觸蘚滋那堪望黎庶而地是
瘡痍

湘西道林寺陶太尉井

補

太尉遺孤井寒澄七百年來聞陵谷變終與姓名

傳影浸無風樹光含有月天林僧曉來此滿汲酒
金田

江令石

思量江令意愛石甚悠上貪向溪宮去死同亡國
休兩株荒草裏千古暮江頭若似黃金貴隋運也
不留

吊杜工部墳

補

鵬翅躍於斯明君知不知域中詩價大荒外土墳
卑瘴雨無時滴蠻風有穴吹唯應李太白魂魄往
來時

一作

經費徵君舊居

高眠當聖代雲鳥未為孤
天子徵不起閑人親得
無猿綠狂欲墜水石怪難圖
寂寞荒齋外松杉相
倚枯

過西山施肩吾舊居

大志終難起西峰卧翠堆
林前倒秋壑枕上過雲
雪鶴見丹成去僧聞栗熟來
荒齋松竹老鸞鳳自
徘徊

經費島舊居

先生居處所野燒幾為灰
若有吟魂在應隨夜魄

迴地寧銷志氣天忍罪清才古木霜風晚江禽共
宿來

讀賈島集補

遺篇三百首二首是遺冤知到千年外更逢何者
論離秦空得罪入蜀但聽猿還似長沙祖唯餘賦
鵬言

經安公寺

大聖威靈地安公宴坐蹤未知長寂默不見久從
容塔影高群木江聲壓暮鍾此游幽勝後來夢亦
應重

弔雙泉大師真塔

塔聳層峰後，硯鑿巨石新。不知將一句，分付與何人。
靜坐雲生袖，空山月照真。後徒遊禮若，猶認指迷津。

留題仰山大師塔院

嵐光疊杳冥，曉翠濕寬明。欲起遊方去，重來繞塔行。
亂雲開鳥道，群木發秋聲。曾約諸徒弟，香燈盡此生。

題玉泉寺大師影堂

大化終華頂，靈蹤示玉泉。由來負高尚，合向好山

川洞壑藏諸怪杉松列瘦烟千秋空樹影猶似覆
長禪

亂中聞鄭谷吳延保下世

小諫總理玉星郎名逝川國由多聚盜天似不容
賢兵火焚詩舛江流漲墓田長安已塗炭追想更
淒然

傷鄭谷郎中

鍾陵千首作筆絕名身終知落干戈裏誰家煨燼
中吟齋春長巖釣渚夜鳴鴻惆悵秋江月曾招我
看同

寄哭西川壇長廣濟大師

千萬僧中寶三朝帝寵身還源未化火舉國塋金
真文集編金在碑名列玉有誰於异代彈指禮
遺塵

聞貫休下世

吾師詩匠者真個碧雲流爭得梁太子更為文選
樓錦江新塚樹婆女舊山秋欲去焚香禮啼猿峽
阻修

聞尚顏下世

補

岳僧傳的信聞在麓山匹郡有為詩客誰來吊影

堂夢休尋灞澹跡已絕
瀟湘遠憶同吟日一作石
秋檣拍涼新

唐嚴一僧詩三十一

齊已

唐音統籤卷

八百九十九

五言律詩八

詠影

萬物患有象不能逃
大明始隨殘魄滅
又逐曉光生
曲直寧相隱
洪纖必自呈
還如至公世
洞鑒是非情

觀水

補

范蠡東浮濶靈均北泛長
誰知遠烟浪別有好思量
故國門前急天
涯棹裏忙
難收樓上興
渺漫正

斜陽

聽泉

落石幾萬仞，遠聲飄冷空。
高秋初雨後，半夜亂山中。
只有照壁月，更無吹葉風。
省曾廬岳聽，到曉與僧同。

燒補

臘臘寒蕪引，乘風勢不還。
放來應有主，焚去到何山。
峭入空濛裏，烟飛蒼靄間。
石中有良玉，惆悵但傷顏。

謝主人石筍

西園罷宴遊東閣，念林丘時減花邊峭。
來添竹裏

幽憶過陽朔見曾記太湖求從此頻吟逸歸山意
亦休

盆池

盆沼稻花遣孤明似玉泉涵虛心不淺待月底長
圓平穩承天澤依微泛曙烟何須照菱鏡卽此鑒
妍妍

聽李先生琴補

仙子弄瑤琴仙山杉月淡此聲含太古誰聽到無
心洒石霜千片噴空瀑萬尋何人傳指法携向海
中岑

秋夜聽葉上人彈琴

萬物都寂寂堪聞彈正聲人心盡如此天下自和平
湘水瀉秋碧古風吹太清往年廬岳奏今夕更分明

角

聞說征人說鳴鳴何處邊孤城沙塞地殘月雪霜
天會轉胡風急吹長磧雁連應傷漢車騎名未勒
燕然

和鄭谷郎中看棋

箇是仙家事何人合用心幾時終一局萬木老千

岑有路如飛出無機似陸沉
樵夫可能解也此廢
光陰

謝人惠紫栗拄杖

仙掌峰前得何當此見遺
百年衰朽骨六尺巖寒
姿雪外魚松凭泉邊待月歌
他時出山去猶謝見
相隨

謝人惠竹繩拂

妙削筠篁製纖柔玉柄同拂
繩聲滿室指月影搖
空散捨經行外常將宴坐中
揮談一無取千萬
媿
生公

謝人惠扇字及茶

鎗旗封蜀茗圓潔製鮫綃
好客分烹煮青蠅避動
搖陸庄誇妙法班女恨涼颼多謝崔居士相思寄
寂寥

謝中上人寄茶

春山穀雨前併手摘芳烟
綠嫩難盈籠清和易晚
天且招隣院客試莫落花泉地遠芳相寄無來又
隔年

謝澧湖茶

澧湖唯上貢何以惠尋常
還是詩心苦堪消蠟面

香碾聲通一室烹色帶殘陽若有新春者西來信
忽忘

嘗茶

石屋晚烟生松窗鐵碾聲因留來客試共說寄僧
名味擊詩魔亂香披睡思輕春風雪川上憶儂綠
叢行

謝人惠藥

五金元造化九鍊更精新敢謂長生客將遺必死
人久貪應換骨一服已通神終遂淮王去永拋浮
世塵

謝人惠丹藥

別後聞食餌相逢訝道情
肌膚紅色透髭髮黑光
生仙洞誰傳與松房日鍊成
常蒙遠分惠不覺骨
毛輕

謝人墨

珍重歲寒烟携來路幾千
只應真典誥消得苦磨
研正色浮端硯精光動蜀箋
因君強濡染捨此即
忘筌

謝炭

正擁寒灰次何當惠寂寥
且留連夜向未散滿爐

曉必恐吞難盡唯愁撥易消豪家担爲歌紅逆錦
茵雄

謝王先輩寄瓊

溪謝高科客名瓊寄惠重靜思生朔漠和雪長蒙
茸習坐資禪悅鋪眠減病容他年從破碎擔去卧
高峰

謝重緣舊山水障子

敢望重緣飾微芒洞壑春坐看終未是歸卧始應
真已覺中心朽猶憐四面新不同公子鑒零落幾
成塵

謝興公上人寄山水簇子

半幅古潺湲看來心意閑何須尋鳥道即此出人
間巘暮疑啼狖松溪認掩關知君遠相惠免我憶
歸山

古松

霜一作雷電不敢代鱗甲勢萬端蠹依枯節死蛇入
朽根蟠影浸僧禪濕聲吹鶴夢寒尋常風雨夜應
疑一作有鬼神看

古寺老松

百歲禪師說先師植此松小年行道遠早見偃枝

重月樞移孤影秋亭草一峰終當因夜電擎攫便
雲龍

小松

發地線過膝一作蟠根已有靈嚴霜百草白一作死
溪院一株青後夜蕭騷動空階蟀蟋聽誰于千歲
外吟遠一作倚老龍形

新栽松

野僧教種法華上出蓬蒿百歲催人老千年待爾
高靜宜魚竹石幽合近猿獠他日成陰後秋風吹
海濤

早梅

萬木凍欲折，孤根暖獨回。
前村深雪裏，昨夜一枝開。
風遞幽香出，一作禽窺素艷來。
明年如應律，先發望春臺。一作春臺

桃花

千枝含露態，何處照人紅。
風暖仙源裏，春和水國中。
流鶯應見落，舞蝶未知空。
擲欲求圖畫，枝枝帶竹叢。

薔薇

補

根本似玫瑰，繁英刺外開。
香高叢有絮，紅落地多

昔去住閑人看
晴明遠蝶來
牡丹先幾日
銷歌向塵埃

題東林白蓮

大士生兜率
空池滿白蓮
秋風明月下
薺日影堂前
色後群芳拆
香殊百和然
誰知白梁性
一片好心田

庭際晚菊上主人

九月將欲盡
幽叢始綻芳
都緣含正氣
不是背重陽
採去蜂聲遠
尋來蝶路長
王孫歸未晚
獨得泛金觴

落花

朝來暮亦裏雨打復風吹
古屋無人處殘陽滿地
時靜依青藜片閑綴綠
莎枝繁艷根株在明年向
此期

春草

處々碧萋々平原帶日西堪
隨遊子路遠入鷓鴣
啼金谷園應沒夫差國已迷
欲尋蘭蕙徑荒歲滿
汀畦

閒落葉

楚樹霜晴後蕭々落晚風
回思故園夜臨水發株

空焚茗燒乾脆行苔踏爛紅來年未離此還見碧
叢

落葉補

落多秋亦晚牕外見諸鄰世上誰驚盡林間獨掃
頻蕭騷微月夜重疊早霜晨昨日繁陰在鷺聲樹
樹春

秋苔

獨憐蒼翠文長興寂寥存鶴靜窺秋片僧閑踏冷
痕月明疎竹徑兩歌敗莎根別有溪宮裏魚花鎖
斷魂

和孫支使惠示院中竹之什

憶就江僧乞和烟得一莖
翦黃憎舊本科綠惜新
生護噪蟬身穩竇吟客
眼明星郎有佳咏雅合此
君聲

移竹

梧溪千萬竿風雨夜珊珊
白首來江國黃金買歲
寒乍移傷粉節終遠著
朱欄會得承春力新抽錦
箨音

新筍

亂迸苔錢破參差出小欄
層層離錦箨節節露琅

玕直上心終勁
四岳烟漸寬
歎知含古律
試剪鳳簫看

水鶴

鴛鴦與鷓鴣
相狎豈慚君
比雪還勝雪
同群亦出群
靜巢孤島月
寒夢几臯雲
歸路分明個
飛鳴即可聞

聞鴈

何處人驚起
飛來過草堂
丹心勞避弋
萬里念隨陽
影斷風天月
聲孤荻岸霜
明年起春去
江上別鴛鴦

歸雁

寒門春亦已一作暖連影起蘋風雲夢千行去湘川

一夜空江人休舉網虜將又虛弓莫失南來伴衡

陽樹印紅

雉

角角類關上春晴錦羽乾文呈五色異瑞入九苞

難暮宿紅蘭暖朝飛綠野寒山梁從行者錯解伸

尾嘆

新燕

樓北近佳人應憐切語新風光華屋暖總管牡丹

晨遠米江泥膩獲飛麥雨勻差池自有便聽觸杏
梁塵

新燕

燕已知何事年已應候來却緣華屋在長得好明
催花外啣泥去空中接食迴不同黃雀意迷逐網
羅媒

鷺鷥二首

日日滄江去時時得意歸自能終潔白何慮悞翻
飛晚立銀塘闊秋栖玉露微殘陽葦花畔獲下釣
魚磯

雪裏曾迷我籠中舊養君忽從紅蓼岬飛出白鷗
群影照翅灘浪翎濡宿島雲鷺鴻解想憶天上列
紛紛

野鴨

野鴨殊家鴨離群忽遠飛長生緣甚瘦近死為傷
肥江海游空濶池塘啄細微紅蘭白蘋渚春暖刷
毛衣

新秋病中枕上聞蟬

補

枕上稍醒忽聞蟬一聲此時知不死昨日即前
生更欲臨窻聽猶難策杖行尋應同脫殼重欣露

華清

蟋蟀

聲異蟋蟀聲聽須是正聽無風來竹院有月在莎
庭惟不妨調瑟多堪伴誦經誰人向秋夕為爾欲
忘形

五言排律

竹裏作六韻

偶來溪處坐刺覺有吟思忽似瀟湘岸欲生風雨
時冷烟濛古屋乾簾墮秋墀徑熟回頻入身閑得
通歌踏多鞭節損題亂粉痕隳猶見前山疊微茫

隔短籬

瀟湘二十韻

二水遠難論淺陂向坎奔
冷穿千嶂脉清過幾州
門濶出都凝白傍來盡帶渾
經游間斷禹表裏見
乾坤浦靜魚閑釣灣涼雁自屯
月來分夜底雲度
見秋痕暮氣藏鄰寺寒濤聒近村
離騷傳永恨鼓
瑟奏遺魂霧擁魚龍窟
槎欹島嶼根秋風帆上下
落日樹沉昏柳少砂洲缺
苔多古岫存禽巢依橘
袖懶逕入蘭蓀色自江南絕
名聞海內尊吳頭雄
莫過漢口壯堪吞寥泺晴方映
馮夷信忽翻渡遙

何處背繁紅。迷芳到檻重。分飛還獨出。成隊偶相逢。遠害終防雀。爭先不避蜂。桃蹊牽往復。蘭徑引相從。翠裏丹心冷。香凝粉翅濃。可尋穿樹影。難覓宿花蹤。日晚來仍急。春殘舞未慵。西風舊池館。猶得採芙蓉。

蟬八韻

咽咽復啾啾。多來自早秋。園林涼正好。風雨惡相收。在處聲無別。何人淚欲流。冷憐天露滴。傷共野禽游。靜息深依竹。驚移過接分。明晴渡口。淒切暮關頭。時節推應定。飛鳴即未休。年上間爾苦遠。

憶所居幽